

Ա Ր Ձ Ա Ն Ա Գ Ր ՈՒ Թ Յ ՈՒ Ն ԹԻՎ 64/03

ք. Երևան, Արշակունյաց 5.417 սենյակ

02.03.2021թ. ժամը 17:00

Համաձայն 11.12.2020թ-ին «ՍԳԿԿ» ԻԿԿ-ում ստացված «ՎԱՍ»ՍՊԸ մասնակից՝ Նորայր Բազիկյանի թիվ 109 դիմումի հետագա ընթացքը ապահովելու նպատակով՝ «ՎԱՍ»ՍՊԸ-ի սնանկության գործով կառավարիչ՝ Արայիկ Սարգսյանի գործառնությունների /անգործության/ փաստերի նկատմամբ, վերահսկողության գործառնության պատշաճ իրականացման նպատակով, կառավարչի վարքագծի վերաբերյալ կարգապահական վարույթ հարուցելու և դիմումում արժաժված հանգամանքների վերաբերյալ եզրակացության գալու համար՝ ս/թ-ի Մարտի 02-ին, 17-00-ին՝ ք.Երևան, Արշակունյաց 5 հասցեում, հրավիրված «ՍԳԿԿ» ԻԿԿ Կարգապահական հանձնաժողովի նիստին.

**ԾԱՆՈՒՑՎԱԾ ԷԻՆ՝**

Հանձնաժողովի անդամ՝ Արմեն Ադամյանը  
Հանձնաժողովի անդամ՝ Հարություն Գևորգյանը  
Հանձնաժողովի անդամ՝ Արմինե Մովսիսյանը  
Հանձնաժողովի անդամ՝ Ռուբեն Խալաթյանը  
Դիմումատու՝ «ՎԱՍ»ՍՊԸ բաժնետեր Նորայր Բազիկյանը:  
«ՎԱՍ»ՍՊԸ-ի սնանկության գործով կառավարիչ՝ Արայիկ Սարգսյանը

**ՍԱՆՆԱԿՑԵՑԻՆ՝**

Հանձնաժողովի Նախագահ՝ Տիգրան Հարությունյանը  
Հանձնաժողովի անդամ՝ Արմեն Ադամյանը  
Հանձնաժողովի անդամ՝ Ռուբեն Խալաթյան  
Հանձնաժողովի անդամ՝ Հարություն Գևորգյանը

Դիմումատու՝ «ՎԱՍ»ՍՊԸ բաժնետեր Նորայր Բազիկյանը:  
«ՎԱՍ»ՍՊԸ-ի սնանկության գործով կառավարիչ՝ Արայիկ Սարգսյանը

**ՕՐԱԿԱՐԿՈՒՄ**

1. 11.12.2020թ-ին «ՍԳԿԿ» ԻԿԿ-ում ստացված «ՎԱՍ»ՍՊԸ մասնակից՝ Նորայր Բազիկյանի թիվ 109 դիմումի հետագա ընթացքը ապահովելու նպատակով՝ «ՎԱՍ»ՍՊԸ-ի սնանկության գործով կառավարիչ՝ Արայիկ Սարգսյանի գործառնությունների /անգործության/ փաստերի նկատմամբ, վերահսկողության գործառնության պատշաճ իրականացման, բողոքում նշված փաստական հանգամանքների քննության և սնանկության գործով կառավարչի վարքագծի վերաբերյալ, կարգապահական վարույթ հարուցելու հարցը:

ԼՍԵՑԻՆ-Կարգապահական Հանձնաժողովի նախագահ Տիգրան Հարությունյանը բացեց նիստը, ստուգեց նիստի մասնակիցների ինքնությունը և հանձնաժողովի անդամներին տրամադրելով նիստին ներկայացված նյութերը և «Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 4.6. կետի համաձայն ձայնի իրավունք տրվեց դիմումատու՝ Նորայր Բազիկյանին, իր ներկայացրած դիմումը ի նրա լրացումը, հակիրճ ներկայացնելու համար:

Դիմումատուն մասնավորապես ներկայացրեց, որ ինքը հանդիսանում է «ՎԱՍ»ՍՊԸ ընկերության 29 տոկոս մասնակիցը և Գեղարքունիքի մարզի ք. Գավառ, Մայրաքանչյուր փող. 67/1 անշարժ գույքի սեփականատերը, որը «ՎԱՍ»ՍՊԸ ընկերության սնանկության գործով կառավարիչ Ա. Սարգսյանը առանց իրեն տեղեկացնելու և մասնակից ներգրավելու գույքագրել, գնահատել և իրականացնում է աճուրդային վաճառք: Դիմումատուն նշեց, որ աճուրդի

հայտարարություններում կառավարչի կողմից չի ներկայացվել հողամասի կադաստրային արժեքի վճարված չլինելու փաստը և պոտենցիալ գնորդի պարտականությունների մասին, սխալ է կատարված գույքի նկարագրությունները և նշված հասցեն, վերջին երկու հայտարարություններում չի փոփոխվել մեկնարկային գները և ամենակարևորը կառավարչի կողմից չի կատարվում գույքի պահպանություն, որի հետևանքով տեղի ունեցած ջրի վթարի հետևանքները վերացվել են իր կողմից և վնաս է հասցվել անշարժ գույքին/ներկայացվեց լուսանկարներ/, այն ամբողջությամբ գտնվում է բոբրոսնաժ վիճակում: Դիմումատուն պահանջում է հարուցել կարգապահական վարույթ կառավարչի նկատմամբ և որպես արդյունք`

- **Ա.Սարգսյանի կողմից «ՎԱՍ»ՍՊ ընկերության գույքի կազմում ներառված և աճուրդի հանված իմ բաժնենմասի նկատմամբ արգելանքները հանել և այն հանձնել իմ տիրապետմանը:**

Դիմումատուին հարց ուղեկու համար ձայնի իրավունք խնդրեց հանձնաժողովի անդամ Ա.Ադամյանը, ով հարցրեց դիմումատուին, առկա է արդյոք իր անունով այդ անշարժ գույքի վերաբերյալ պետական գրանցված Վկայական:

Դիմումատուն ներկայացրեց «ՎԱՍ»ՍՊ ընկերության անվամբ թիվ 2423192 Վկայականը և 07.11.2014թ-ի ընկերության մասնակիցների ընդհանուր ժողովի արձանագրությունը և պարզաբանեց, որ ինքը հանդիսանում է ընկերության 29 տոկոս մասնակիցը և այդ 29 տոկոսը փաստացի հանդիսանում այդ անշարժ գույքը, որը ինքը օգտագործել է, որպես սեփական միջոց իսկ կառավարիչը այն իրացնում է առանց իր համաձայնության:

Հանձնաժողովի նախագահին «Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 4.6. կետի համաձայն ձայնի իրավունք տրվեց «ՎԱՍ»ՍՊ ընկերության սնանկության գործով կառավարիչ Արայիկ Սարգսյանին, ով մասնավորապես շեշտեց, որ դիմում բողոքը իր մեջ իրավական առումով հիմքեր չի պարունակում և ներկայացված է սնանկության վարույթի մասնակից չհամարվող անձի կողմից, ով աճուրդը կասեցնելու պահանջով 15.02.2019թ-ին արդեն դիմել էր դատարան և ՀՀ Սնանկության դատարանը իր 20.11.2020թ-ի որոշմամբ դիմումը մերժել է, որպես մասնակից չհանդիսանալու հիմքով, այսինքն մասնակցի այն պահանջները որոնք վերաբերվում են սնանկության վարույթի իրականացման մասնավորապես գույքագրման, գնահատման, գույքի իրացման պրոցեդուրաներին նրան չտեղեկացնելուն, դա այդպես էլ պետք է լիներ, քանի որ ծանուցումները կատարվել են ընկերության տնօրինությանը, նրա իրավաբանական հասցեյով և վերնշված գույքագրման, գնահատման և գույքի իրացման վերաբերյալ տեղեկացված է եղել տնօրինությունը՝ այսինքն ընկերության գործադիր մարմինը, որպես իր ասածների հիմնավորում կառավարիչը հանձնաժողովին ներկայացրեց հայցադիմումի, որոշման, ծանուցումների, գույքագրման ակտի, ետադարձ ծանուցումների և որոշման լուսապատճենները:

Կառավարչին իր հարցը ուղղեց հանձնաժողովի նախագահ՝ Տ. Հարությունյանը, առ այն թե ինչ կարող է ասել աճուրդի հայտարարություններում, հողամասի կադաստրային արժեքի վճարված չլինելու տեղեկատվություն առկա չլինելու, գույքի նկարագրության և մեկնակային գների չփոփոխվելու վերաբերյալ:

Սնանկության գործով կառավարիչը ներկայացրեց վերջին 18.02.2020թ-ի հայտարարության տեքստը, որտեղ արդեն առանձին տեղեկատվություն էր տալիս հողամասի կադաստրային արժեքի վերաբերյալ և բացատրեց, որ իր կողմից այդ տեղեկատվությունը առանձին չի ձևակերպվել քանի որ չի դիտվել որպես անշարժ գույքի գնման սահմանափակում, որը որպես պարտադիր պայման պետք է տեղեկացվեր, բայց հետագայում արդեն զետեղվել է այդ տեղեկատվությունը: Ինչ վերաբերվում է հայտարարության մեջ նշված արտաքին հարդարմանը ապա իրականում անշարժ գույքը արտաքին հարդարում չունի այն իրականացված սրբատաշ քարից, որը և հանդիսանում է արտաքին հարդարում, դրա համար նշվել է, որ հարդարում առկա է: Կառավարիչը մեկնարկային գների չփոփոխելը բացատրեց գույքի նկատմամբ պոտենցիալ գնորդների առակայությամբ և իր նպատակը գույքը ինչքան հնարավոր է ավել գնով վաճառելու և ավելի շատ պահանջներ բավարելու, ձգտմամբ:

Հանձնաժողովի նախագահն խնդրեց հանձնաժողովի ներկա անդամներից հայտնել կարծիքներ, ըստ որի հանձնաժողովի անդամ Ռ.Խալաթյանը հայտնեց այն կարծիքը, որ կառավարչի կողմից իրականացված գործողությունները կատարված են «Մնանկության մասին» ՀՀ օրենքին համապատասխան և դրանցում առկա չէ ոչ մի հողված, որտեղ կառավարիչը պետք է վարույթին մասնակից դարձնի կամ պետք է առևտրային գաղտնիքները հայտնի, ընկերության մասնակիցների կամ բաժնետերերին, դա իր կարծիքով ընկերության տնօրինության գործառույթ է, որին սնանկության գործով կառավարիչը չի մասնակցում և որի համար նա պատասխանատվություն չի կարող կրել: Հանձնաժողովի անդամն նշեց նաև, որ դիմումատու ըստ էության չի պատկերացնում և չի տարբերակում իր և իրավաբանական անձի սեփականությունը, որոնք տարբեր բաներ են և հանդիսանալով ՍՊ ընկերության մասնակից և օգտագործելով ընկերության գույքը չի նշանակում ինքը հանդիսանում է իր մասնակցության մասով այդ գույքի սեփականատեր, որն էլ իր կարծիքով շփոթության մեջ է գցել դիմումատուին և ծնել է այս դիմում-բողոքը:

Հանձնաժողովի անդամ Հ.Գևորգյանը համակարծիք լինելով արտահայտվածի հետ ավելացրեց, որ կառավարչի կողմից գույքի պահպանությունը իրականացվել է իր ուժերով, անշարժ գույքի փակման միջոցով և տեղի ունեցած վթարը չի կարող բնութագրել այդ պահպանության արդյունավետությունը, քանի որ ամեն կարգով պահպանվող օբեկտում կարող է տեղի ունենալ վթարներ, այդ թվում նաև ջրի հետ, եթե հաշվի առնենք նաև որ այդ տարածաշրջանը բավականին ցուրտ տարածք է և ջուրը կարող էր սառչել և եղանակների տաքանալում պես տեղի կունենար նմանատիպ վթար: Հանձնաժողովի անդամն ավելացրեց նաև, որ եթե ընկերության մասնակիցը այդքան մտահոգված է գույքով ապա կարող էր առաջարկել իր անվճար ծառայությունները անշարժ գույքին հետևելու համար, որը և նա իրականում կատարել է, քանի որ անշարժ գույքը մոտ է նրա բնակվելու վայրին, բայց նա նախնորել է բողոք գրել կառավարչի վերաբերյալ, քանի որ իր կարծիքով կառավարչի կողմից այդ անշարժ գույքը չի թույլատրվել օգտագործել նրա կամ նրա նշած անձին:

Հանձնաժողովի նախագահ Ս.հարությունյանի կարծիքով կառավարչի կողմից գույքի իրացման աճուրդների հայտարարություններում պետք է նշվեր կադաստրային արժեքի վճարման վերաբերյալ տեղեկատվություն, քանի որ դա հանդիսանում է իրացման սահմանափակում և «Հրապարակային սակարկությունների մասին» ՀՀ օրենքը դա դիտում է որպես պարտադիր պայման, որի մասին պետք է կատարվեր առանձին նշումներ, իսկ մեկնարկային գների չփոփոխելը դա կառավարչի հայեցողական իրավունքն է, բայց կառավարիչը չունի ոչ մի գնային առաջարկ և ոչ մի ապացույց պոտենցիալ գնորդների առկայության կամ հետաքրքրության վերաբերյալ: Բայց մյուս կողմից իր համար անհասկանալի է իրեն գույքի սեփականատեր «Ճանաչող» ընկերության մասնակցի շահագոգովածությունը գույքի շուկայական մարժեքի փոշիացման /իջեցման/ հարցում, որը կարելի է բացատրել գույքի գնի իջեցման եղանակող անհամեմատ ցածր գնով այն ձեռք բերելու նրա ցանկությամբ, այդ հանգամանքներից գնահատելով կառավարչի գործողությունները, դրանք ուղղված են պարտապանի և պարտատերերի, այսինքն վարույթի մասնակիցների, շահերի պաշտպանությանը, անկողմնակալ են և համապատասխանում են «Մնանկության մասին» ՀՀ օրենքի 23.1 հոդվածի սահման կանոններին: Հանձնաժողովի նախագահն առաջարկեց «Կարգապահական հանձնա- ժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 5 հոդվածի 5.1 կետի 5-րդ ենթակետի հիմքով «ՎԱՍ» ՍՊԸ սնանկության գործով կառավարիչ՝ Արայիկ Մարգարյանին հայտարարել բացահայտված խախտումը վերացնելու վերաբերյալ նախագգուշացում և հանձնարարել կառավարչին արդյունավետ իրականացնել «Հրապարակային սակարկությունների մասին» ՀՀ օրենքով նախատեսված աճուրդի հայտարարություններում տվյալների զետեղման լիազորությունները:

«ՍԳԿԿ» ԻԿԿ Կարգապահական հանձնաժողովի ներկա անդամները ուսումնասիրելով կառավարչի և դիմումատուի ներկայացրած փաստական հանգամանքները և համապատասխան փաստաթղթերը, քննարկեցին և քվեարկեցին ներկայացված առաջարկի վերաբերյալ:

**ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Ձեռնպահ - 0

**ԵԶՐԱԿԱՅՈՒԹՅՈՒՆ՝**

1. 11.12.2020թ-ին «ՄԳԿԿ» ԻԿԿ-ում ստացված «ՎԱՍ»ՍՊԸ մասնակից Նորայր Բազիկյանի թիվ 109 դիմումի հետագա ընթացքը ապահովելու նպատակով՝ «ՎԱՍ»ՍՊԸ-ի սնանկության գործով կառավարիչ՝ Արայիկ Սարգսյանի գործողությունների /անգործության/ օրենքին և կանոնակարգերին համապատասխանության վերաբերյալ հարուցված վարույթի արդյունքներով՝ միջնորդել «ՄԳԿԿ» ԻԿԿ Դիտորդ Խորհրդին «Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 5 հոդվածի 5.1 կետի 5-րդ ենթակետի հիմքով «ՎԱՍ»ՍՊԸ ընկերության սնանկության գործով կառավարիչ՝ Արայիկ Սարգսյանին հայտարարել բացահայտված խախտումը վերացնելու վերաբերյալ նախազգուշացում և հանձնարարել կառավարչին արդյունավետ իրականացնել «Հրապարակային սակարկությունների մասին» ՀՀ օրենքով նախատեսված աճուրդի հայտարարություններում տվյալների գետեղման լիազորությունները, ապահովվելով սնանկության վարույթի իրավական ճիշտ ընթացքը և թափանցիկությունը :

2. Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

Հանձնաժողովի Նախագահ՝ Տ. Հարությունյան

Հանձնաժողովի անդամ՝ Ռ. Խալաթյան

Հանձնաժողովի անդամ՝ Ա. Ադամյան

Հանձնաժողովի անդամ՝ Հ. Գևորգյան

